


光緒臨朐縣志



(清) 姚延福 纂
(清) 鄧嘉緝 修
蔣師轍

本書十六卷首一卷，
（一八八四）刻本影印。
據清光緒十年

臨朐縣志序

志事之難也武功朝邑簡矣自今思之不能無憾是故志疆域土田示人以經畫也志沿革政治示人以法守也志建置古蹟

序

一

示人以掌故也志宦績人物示人以勸懲也故必究其始終詳其得失考之往古而不悖質之今世而無議傳之來茲而可信則志之所繫者綦重也今或觀乎此而不足以盡乎彼猶必推

序

二

求而始明則無為貴簡矣余下車伊始留意一方故事將求其利病而因革之久之始獲睹康熙舊志乃知自明嘉靖甫有修志之事而嘉靖志更不可得康熙志體例煩猥紀述陋脫尋其條貫薈焉而無緒且自康熙至今又二百餘年未嘗載筆日月淹久案牘散佚官書既靡所資私家一二造述無關體要余深慨夫前事之莫師也乃進文學之士若李生景綱等詳加采訪

余復親為之圖辨其山川道里嚮背與夫人事之廢興政教之鉅細蓋三年而後綱紀粗明於是審定其體例纂輯乎舊聞商榷是非別擇虛謬延同里鄧熙之蔣紹由兩明經分而系之雖

序

三

年紀荒落文獻無徵然故籍所存聞見所逮亦畧具其端委其有疏率則限於無所依據而不能憑臆妄作姑從蓋闕以俟來者亟知甄錄蕪倪未免取訾方雅然使後之君子就斯編而增

損之庶得有所取裁比於今茲之役探索勞逸奚翅有辯前志有之莫為之前雖美弗彰是則區區論箸之志也夫

光緒十年歲在甲申冬十月奉直大夫同知直隸州用知臨朐

序

四

縣事上元姚延福序

光緒臨朐縣志卷首

凡例

一舊志創於明嘉靖三十一年董其事者知縣王家士總纂者邑人馮惟敏再修於國朝康熙十一年董其事者知縣屠壽徵總纂者貢生尹所遴今明志不存存者屠志其於撮拾舊文排比故事使踵事者有所憑藉不可沒也然體例踳駁文詞繁碎於山水則無寫林壑於藝文則綴輯詩賦或六典攸闕缺而弗錄或一人數傳複而無敘大都本之傳國昌國餘臚而條次件系漫無眉目殊非官書之體今重加釐訂按目編輯繁蕪破例

光緒臨朐縣志卷首 凡例

一

悉從刊落非敢掠美安作官書之體固應爾也

一郡邑之志首載天文分野以爲天人交感之應日食星變修德禳災主極法天意存警誡然治世雖變而不爲妖亂世雖祥而不爲瑞豈於徵咎時或爽訛況乎今之廣輪逾古數倍凡在地毯之上莫不戴高而處若疆度祇歷九州豈有天外之域天官書及列史天文志皆以元枵爲齊之分野順候占測僅及瑯琊卽懸象實有災祥不應專在斯境天道幽遠難以管窺虛誑之談要非實錄今從省汰以衷簡覈

一屠志成於康熙迄今逾年二百其間政教得失風俗盛

衰胥吏所掌紀述所傳官司罕故籍之存人士乏私家之乘流連慷慨文獻何徵惟傳國昌國餘臚張敦仁臨朐編年錄王嘉賓古邦紀略獨能守殘抱缺勤蒐故事雖偏文孤義祇爲一家之言而舊聞軼事足資百載之集其咸豐以降案牘可稽者悉就編錄餘皆徵之碑銘譜牒與夫人士採訪耆舊稱述之信而可據者然後甄序其有闕略敬俟來者

一屠志所本惟傅氏之書其他采錄概遺名氏後人欲加考核苦於茫無歸宿而二百年來官書旣多殘佚私家復少紀載鑿空授簡莫可取資惟青州府志續於咸豐

光緒臨朐縣志卷首 凡例

二

之季爲安邱劉莊年之筆雖志縣事稍略而博雅精確足爲傳信茲悉采隸各門而又上下列史博綜羣籍反復研索證以舊志及餘臚編年紀略諸書訂訛刊謬刪繁補闕使部分釐然檢尋易了所采各書分注於下夫竊人之財猶謂之盜攘善掠美蓋無取焉

一舊志之目四十有六而無子目龐雜之弊不可勝言如志輿地矣而不考沿革志山川矣而不序險隘此爲有名無實之弊也志坊表鄉社矣而又列舖舍市集志鄉飲耆實矣而又別傳耆耆此爲疊牘架屋之弊也今爲總目十六或事同名異則系以子目本事較少不能盈

卷者則以類聯附挈褒振領溯流導源綱舉目張粗便稽討云爾

一邑中風俗素稱渾樸而名輩達人騰實蜚聲庶士濡染漸漬醞化比余下車是邑私願事賢友仁與人士共臻於治乃誦詢古道靡究讜言商推舊聞都迷掌故戶聲弦誦之聲里乏蓋藏之備流風餘韻百數十年稍陵替矣豈官師充位導之者失其理抑老成不作欽式者歟夫教化之行緊邑令之責亦賴賢士君子膺民視聽以相助為理庶政通而人以和移風易俗有籥兮倡和之慨焉茲編於土風之美惡習俗之善否宜因宜革詳

光緒臨縣志 凡例

三

慎言之豈惟致匪風下泉之思亦樂與此邦人士反經復古而已

姚延福謹識

光緒臨縣志 街名

主纂

同知直隸州用臨朐縣知縣姚延福 江蘇上元人

參閱 候補知縣舉人李瑜 江蘇上元人

候選訓導舉人張兆鍾 江蘇上元人

分纂 錄用訓導優貢生鄧嘉緝 江蘇江甯人

考取州同知拔貢生蔣師輒 江蘇上元人

總採訪兼參校

光緒臨縣志 街名

一

預取乙酉科選拔廩生李景綱 以下皆邑人

採訪 拔貢生譚凝德

歲貢生孫繼志

歲貢生譚作德

拔貢生閔繼心

歲貢生李炳文

副榜張蘭洲

候選翰林院待詔陳景瀛

候選州判張繹綱

守備銜候選千總馬體元

采訪兼校對廩生趙印川

采訪兼校對廩生張勳廷

廩生王冠紳

廩生王械亭

廩生陳景陶

廩生王瑜

廩生薛鵬林

廩生馬雲程

廩生郭鳳亭

光緒臨縣署銜名

二

附生楊文彥

附生李化普

采訪兼校對附生孟廣基

附生劉桐音

附生王壽昌

附生張良玉

監生馬恩綏

光緒臨縣志目錄

卷之一

輿圖疆域

卷之二

沿革

卷之三

山水

卷之四

古蹟

卷之五

光緒臨縣志目錄

一

建置

卷之六

賦役

卷之七

學校

卷之八

風土

卷之九

藝文

卷之十

大事表

卷之十一

秩官表_上

卷之十二

科貢表_上

卷之十三

官績

卷之十四

人物_{上中}

卷之十五

光緒臨朐縣志

列女_上

卷之十六

雜記

光緒臨朐縣志卷之一

輿圖


書必有圖古人不分爲二學也今惟地學猶存其意然裴秀六法多有未寤元和郡縣志四十七圖又已散佚無可取資志乘所載大都具文無益實用求如古地圖足爲斷獄之助者蓋百不得一焉其或裝點景物旁涉游覽之跡則益垢蕪不足道已縣棲四山之中畛域考實難於平壤舊志一圖率意妄作約舉其失厥有數端南上北下乖向背之義一失也疆址茫昧輪輻莫辨二失也山川方位近遠淆錯三失也治所偏北圖乃宅中四至八到都不復可


輿圖

一

徵信四失也境內里社磐牙交錯最爲經野之要而缺焉弗載五失也今矯前弊別爲此圖計里分方得自履驗者什六言乎翔實知猶有憾然大端得之刪飾增修以臻盡善是則擁篲清道所企望於將來君子者也舊志城池圖亦甚荒陋不能據爲藍本茲從府志正之疆域有考并以附其後云

疆域全圖





臨縣縣志卷一 輿圖

四

疆域

臨胸西漢侯國名也其疆域曾不能得今境之半今境於春秋當全有駢邑地三百里正可七十五里耳其地不能大於於西漢實兼併校朱虛臨原於東漢魏晉兼有朱虛安邱境自東漢始大跨今於朱魏為一兼有西安安平朱虛盤陽西安盤陽常全在境內朱虛北境則在今安有舍山舍山在今境則自齊省諸縣入昌國而境始合自隋復稱臨胸而名始定唐初政昌國為蓬山蓬山北境甚福寺有隋碑云屬青州蓬山縣是其證也嗣然東北丹山改蓬山為臨胸疆域是否仍舊今不可考矣一帶猶屬郡城則境視今仍縮也唐省郡城入丹山於臨

胸而東北邊廣宋因之所未全有者惟南之沂山穆陵耳元和志穆陵山在沂州沂水縣唐書地理志沂州沂水縣有穆陵關宋史禮志祭東鎮沂山於沂州二山不屬臨胸明認金入沂山於臨胸沂山於益都府而南界亦致然貞祐四年又嘗析置穆陵縣矣至元復省所治乃如今境廣不足百里昌國縣西一百四十五里蓋據縣城驢馬溝七十五里西界益都縣城偏北所云東界安邱縣值以迂邪之道里指為疆域廣狹定數值已今據土人云東西實不能及百里以末周履測算一百二十三里府志道里表一百二十五里是指至穆陵關道里言偏東南矣屈曲計耳若據飛空鳥路恐界安邱沂水博山益都昌樂之問左為安邱右為沂水西南兩山亦有一綫之壤

光緒臨縣縣志卷一 疆域

一

出直接萊蕪界左萬峯合脊一山或跨二縣入境之路要為沂水右為博山險四扼外此間有饒道少能通馬步也治所偏北東至廟山東交安邱界六十八里東至張祿店又直二十七里至新莊又邪八里至廟山又直八里接安邱界廟山在東以疆域四正言自縣城視之則東南也縣城直東五十里為柳山南界安邱又東至於安邱七十二里東南至穆陵關交北界昌樂沂水界百有五里東南至三十五里至辛寨又邪三十五里至蔣峪又邪三十五里至穆陵關頂又東南至於沂水縣百有五里南至銅陵關南交沂水界百有三里南邪三里至三里莊直二十二里至治源又直西南至破邱莊西交博山界九十里西南邪三十里至土至暖水河又邪三十里又西北至於博山縣九十里在縣西以

中阻羣山又隔益都地故以破邱爲界首然自界首至其縣實折而西北府志道里遠表微曰西南未合破邱北有經築口亦通博山饒西至仰天山交益都界五十三里西二十里至石門坊又郭三十里至仰天寺山西三里即益都地峯嶺盤互道路不通仰天山之在西亦以疆域言自縣城視之則西南也白縣城至仰天寺亦云西北至王墳交七十里取道逢嶺折而西南大屈曲矣

益都界二十五里山又迂五里至王墳北至赤澗鋪交益都界二十里北至十里至石溝河又自十里至又西北至於益都縣二十五里東北至鹽家務交昌樂界四十三里東北郭十里至鹽家務又東北至於昌樂縣二十七里至府如至益都縣西北至濟南省城三百八十里北至京師千有五十里

取道武定

光緒臨胸縣志卷一

疆域

二

光緒臨胸縣志卷之一終

光緒臨胸縣志卷二

沿革

沿革之詳莫難於是邑矣地方百餘里二千數百年間口邦日駢日東陽日朱虛日臨原日按日餅日昌國日盤陽日西安日安平日逢山日穆陵名號屢更回徙靡定同時規建或至四五四五之中間跨鄰壤其省并孤離之迹沈約所謂千回百改巧厯不算者也加以宋魏僞置取彼氏此蒙襲之稱尤費尋校然沿革弗明全書所載不遺則濫正未可畏難而略之也舊志疏陋無責焉爾昌國餘艘臚列頗詳而曲說自喜徵引多誣推求原書舛午什七惟咸

光緒臨胸縣志卷二

沿革

豐青州志出於安邱劉氏之手參伍異同較有條理今大端因之其所辨正並加采錄傅氏之書登載失實者則別爲論說附於各朝之後削所不當有而後在吾境者益瞭然大白焉山邑荒僻一瓶之借難於荊州考覆粗率是用內疚然書疑從慎謹俟後賢堅僻之習則庶幾免矣作沿革考

邑或以爲古丹朱之虛東北三十里有丹山即凡丹水出焉竹書紀年帝堯五十八年使后稷放帝子朱於丹水即此地也皇王大紀齊有丹山丹朱所封路史丹朱之國今坡記爲丹朱弄兵之所齊乘并主其說然考地理雜書或以爲在平陽或以爲在朔州或以爲內鄉內鄉丹水

川水異代殊名非有二地路史謂即堯敗有唐之處蓋
非朱國而餘論於平陽之封則未嘗辨其非是又考漢縣
志堯使子朱處於丹淵為諸侯以丹淵為丹水亦無證據
朱虛之說殆亦聞疑書疑耳昌國乃引堯山堯溝等跡以
實之編年錄至以鄉社朱封朱
音之名為其確證近於附會矣

春秋時為紀之邢邑莊公元年齊師遷紀邢部杜云邢

在臨胸縣東南是也地入於齊為伯氏駢邑志齊國臨胸

有三亭古鄉邑注又縣東有東陽城左傳襄公二年晏弱

城東陽以逼萊人者也府志云通典臨胸有古東陽城一

上邑太平寰宇記齊乘皆從之然杜注但云齊境上邑而

不言所在今東陽在臨胸地接穆陵界連杞莒洵為齊境

上邑矣然東去萊境尚遠何名為偏且此時齊已滅紀紀

之皆邑遠在都昌不此之城而城於今臨胸之地於事疑

焉唐武德二年以北海立濰州而析立又南有穆陵齊之

十三縣以隸之中有東陽豈即此城耶

南界也今有開在縣東南一百五

里大峴山上考詳古蹟

按左傳哀公六年公子陽生入齊使胡姬以安孺子居

賴又遷之於駘駘杜注齊邑或曰在今青州府臨胸縣

界顧棟高春秋大事表引之然江永春秋地理考實但

引杜注齊邑不主臨胸之說他書無可徵豈駘即駢之

譌耶姑附於此以俟博識

漢置臨胸屬齊郡故城在縣東南二里以縣東臨胸山下

臨巨洋水亦曰胸水故以表稱焉今縣境巨洋以西是其

故地矣府志云水經注巨洋水又逕臨胸縣故城東古伯

縣接按經云巨洋水北過臨胸縣東又北過劇縣西淄水
篇注洋水出臨胸縣而陽水導源廣縣兩縣雖鄰川土不
同是又以前丹朱之虛置朱虛故城在今縣東南三十里
府志云案水經注巨洋水出朱虛縣泰山北過其縣西又
北逕臨胸縣東汶水出朱虛縣泰山北過其縣東注云東
北入海郡縣北漢書地理志朱虛凡山丹水所出東北至
則朱虛之境東漢書地理志朱虛凡山丹水所出東北至
逾丹山與劇縣接南汶水與郡城接西薄巨洋與臨胸接北
無涉自東漢省郡城入朱虛後齊又省朱虛入郡城故志
安邱者多引朱虛亦未為過以邢邑置餅亦在今縣東南
又置臨原在今縣東北三縣俱屬琅邪郡府志云太平寰
武帝封蕭何為王始昌為侯後漢省并朱虛在今縣之
東即蕭何之北是其地案北當作西北然餅與臨原均不
能明其所在又有校亦在今縣東南屬郡未詳太平寰
光緒臨胸縣志卷二 沿革 三

十三州志云朱虛東十三里有校亭孝武封琅邪王子雲

為侯國漢書地理志無不知屬何郡考王子侯表雲城陽

頃王子元鼎元年四月戊寅封五年坐王莽改臨胸曰監

既水所出東北至班志推表徵驗適符尤不可強爭也

都昌入海之說合臨朐省併入焉

東漢復臨朐曰臨朐省併入焉

邑猶後漢省併縣入平壽而仍屬齊國省臨原入朱虛改

屬北海國昌國餘體云而梧成亦省入

之境最廣且東跨今安邱境也獻帝時北海相孔融改置

城邑移治東北境其故城在今縣東六十里

昌國餘體有郡城屬青州北海案郡城即梧成本西漢

邑屬琅邪至是省入朱虛東漢北海國領縣十八實無

郡城豈以併入其地遂增設此目耶

曹魏分北海立城陽郡而朱虛改屬城陽

表關臨朐不載按晉志有臨朐其縣邑皆因魏舊則魏有

郡姑關侯再考

晉初臨朐朱虛俱屬東莞郡及惠帝元康十年立平昌郡

高密國而朱虛屬平昌臨朐屬高密

陽書地志朱虛其時臨朐僅得縣西境東境皆屬朱

虛按晉自永嘉後青州陷於石虎永和七年段龕據之自

燕有其地太和九年秦刺史苻朗以州降隆安三年又為

南燕所據而於邑制初無更革故府

志但立表而附論不復及焉

劉宋僑置諸縣於是省臨朐以其地為昌國得縣之西南

境據案此縣隋改逢山尋改曰臨朐逢山在縣西二十里

故知昌國即臨朐然非漢之昌國也山東通志云又割朱

宋省入昌國縣未覈齊乘謂晉省入昌國尤非

虛之西南境改置盤陽縣在今縣東南二十五里

府志云

店縣志以為即盤陽縣是也魏書地志盤陽有朱虛城

大岷山有山鉅平山太山祠今沂山在臨朐城東南九

里沂山東南二十里為太平山與安邱接界大岷山亦

在沂山東南即古穆陵也盤陽縣大約得縣東南境

於昌國西僑置西安縣在今縣西十里

府志云有西安店

云東漢建縣後魏省入臨朐非齊郡之西安也一名盤羊

城案盤陽西安同時并置不可以盤羊為西安也東漢西

安即西漢西安此縣創自劉宋不建自東漢後魏有西安

無臨朐何得省西安入臨朐乎魏書地志西安有逢山

入士山逢山在今縣西二十里八岐山一名八岐山今縣

西五十五里有仰天山山東為八岐山西安大約得縣之

境又於昌國北僑立安平縣北侵今益都境凡四縣俱屬

齊郡

魏書地志安平有覆釜山在今縣東二里故臨朐

在縣東南時既為昌國縣而安平得覆釜山在今縣

之北境而朱虛治所即因漢末移置之舊別屬平昌郡

明矣

志云觀魏志盤陽有朱虛城之說則朱虛之移置無疑也

語甚明確惟移置之說於宋書究嫌無徵且既同時規建

光緒臨朐縣志卷二 沿革

五

按

何不於移置之所別設一縣而必移朱虛治之又於朱虛

故治改置盤陽事大委曲恐未必然孔融走保朱虛改置

城邑既見漢書豈非確證新城完固魏晉自必因之至朱

已二百年勢不容更復故治而朱虛延袤百里治偏北界

南境基遠勢於鉅平以南更有盤陽皆隸青州

之設雖亦臆斷於情事為差合矣

昌國餘體有琅邪朱之琅邪即魏之琅邪魏志琅邪有

管甯墓則在今安邱西南與邑境無涉也

元魏因宋之舊而移平昌治梧成故城為膠州屬郡朱虛

隨郡改隸膠州

昌國餘體有零武按魏書地志東清河郡劉裕置魏

昌國餘體有零武按魏書地志東清河郡劉裕置魏

因之治盤陽城領縣七清河繹幕郇零武城貝邱饒陽
零與武城自是二縣宋書州郡志零令漢舊縣作靈武
城令漢舊縣並曰東武城互證益明零未審所在武城
在今淄川東北三十里志注有昌國城乃漢之昌國其
故城在今淄川東北三十五里蓋魏因宋舊其時般陽
昌國等縣皆在臨朐朱虛境內東清河郡即僑治舊般
陽漢般陽也今武城正得舊昌國地志注標識故城爽
若揭樊傳氏既論為零武又妄以有昌國城為在臨朐
地之證兩縣皆壞此標彼城決無是理魏志所表皆故
今臨朐城也是有昌國城正可為武城在今淄川不在
之確證一誤再誤函莽甚矣

光緒臨朐縣志卷二 沿革

六

高齊省朱虛入琅邪即郡城府志云琅邪雖得朱虛地而
置盤陽而省入臨朐非漢朱虛全境也漢朱虛故地已析
城所得惟東北丹山一帶而盤陽西安安平亦廢惟昌國
存焉北周同按北齊郡縣多省廢齊書既無地志可考邑
志實字記立表後見於傳紀者又甚寥寥府志姑依元和
能確為古今郡縣統數也
隋開皇六年改昌國曰遼山而復析置盤陽縣屬青州大
業初復改遼山曰臨朐并省盤陽入焉按隋志臨朐注有
大岷山有汶水渚水沐山自是沂屬北海郡縣之復名臨
山之謁渚水不知所所在疑亦有誤觀隋書地理志所列山川
胸自此始而諸縣亦始合為一當得今縣全境然高齊省
朱虛入郡城隋郡城方設為縣
則東北丹山一帶向未入縣境

昌國餘脰又有郡城考隋志郡城舊置平昌郡後齊廢

郡置郇縣廢朱虛入焉大業初改名郇城今安邱境
也入者屬彼之詞以物屬人反并其主名而據據之曰
皆我所有無是理也

唐初廢臨朐置般陽武德五年乃復置臨朐縣八年又省
般陽入臨朐屬青州自是遞為青州北海郡屬天寶元年
北海郡乾元中五代皆屬青州按唐自薛平之禍李氏
復以郡為州五季迭興版圖如寄然於郡
邑論化升者幾六十年其季迭興版圖如寄然於郡
縣未有更置無端沿革其事別具年表茲不復詳
宋臨朐屬青州宋史地理志青州望北海郡領海軍節度
慶祿三年初置京東東路安撫使縣六臨朐屬焉府志云
太平寰宇記西丹水源出臨朐凡山凡山即丹山也則宋
時丹山已入縣境蓋唐廢郇城
時分其西北境入今臨朐也

光緒臨朐縣志卷二 沿革

七

金貞祐四年復析臨朐置穆陵縣府志云穆陵蓋得縣之
有胸山凡山瀾水般水與臨朐并屬益都府金史地理志臨朐
是北境皆為今臨朐境與臨朐并屬益都府金史地理志臨朐
總管府置轉運司大定八年置山東東西路統軍司縣七
皆屬焉

元省穆陵入臨朐至元二年臨朐又與臨淄并省入益都
十五年復置屬益都路元志山東東西道宣慰司益都
明臨朐屬青州府明史志府東南有胸山又有大岷山上
泰山流水瀾水俱發源於此瀾水一名巨洋水西合石構
水至壽光入海又東北有丹山一名巨洋水西合石構
水出焉按沂山在縣南不當云東石構水當作
石構水白狼水出昌樂大姑山不出臨朐凡山
光緒臨朐縣志卷二 終

光緒臨朐縣志卷三之上

山水上

邑處萬山中而水源四出實奧衍之區也顧獨西南諸山饒果木他皆童然水亦汎溢地上甚且密窳幽邃資奸宄之藏匿驚流奔騰苦田廬之漂沒蓋胸有山澤之美而居人罕收其利或反蒙其害焉可慨也已舊志曰駢邑僅彈丸之區而名山水實甲於東方帝王之所封禪可屈指計凡山東泰山黃帝漢武所常至也沂居五鎮之一沂沭汶巨洋之水出焉可不謂勝地乎夫第侈名勝而形勢利病昧焉是則舊志之見也今條其支派洞山之屬也附於山

光緒臨朐縣志卷三上 山水

泉水之源也附於水作山川考

胸山蓋邑之主山云

在縣治東南二里踞巨洋水東岸漢書地理志齊郡臨

胸注應劭曰臨胸山謂縣城臨側胸山也水經注臨胸

山名也故縣氏之於應說為誤引矣然昔人言自上憑

下謂之臨今城在山下不得謂城臨山漢縣言臨者凡

二十九類以水不以山臨朐縣志之屬於水以此推之無涉然亦不以山也

應說亦誤蓋巨洋水一名胸水詳巨洋水縣實以側川表

稱而山在水上故亦得名為胸歟帶郭之山此為最近

固當首標之矣山岸腳斗入水狀如奔螭飲河石皆黑

色刷之往往為鐵柱形天然圓峙齊乘作覆釜山舊有

神祠步雲臺文筆峯高明堂胸山書院今并廢惟文昌

閣奎星樓存舊志云山上有市場一歲兩舉今移於南北關

其北二里為委粟山

在縣治東北三里踞巨洋水西岸與胸山夾峙水經注

曰巨洋又東北逕委粟山東孤阜秀立形若委粟是也

原名稷山上有后稷祠

又北少東八里為龍山

在縣治東北十里山椒有黑石蜿蜒盤迴酷似龍形故

亦名盤龍山矣長亙三四里中有溝斷為二相傳元至

光緒臨朐縣志卷三上 山水

正十七年曾有龍見於此下有深潭鄉人禱雨輒應

磐互乎東北境穹崇遙見為軒皇之蹕所曾駐者曰凡山

在縣東北五十五里齊乘云三十里一曰丸山亦曰丹山俗曰

紀山史記五帝紀東至於海登丸山注括地志云丸山

即丹山在青州臨朐縣界索隱曰丸一作凡封禪書黃

帝時雖封泰山然風后封臣岐伯令黃帝封東泰山禪

凡山徐廣曰一作丸五帝紀作丸封禪書作凡注互異

而實同也漢書地理志凡山丹水所出師古則不言凡

作丸也地理風俗記作丹山水經注曰世謂之凡山丹

凡二字相類音從字變也通典臨胸有古東陽城一名

時不竭咸豐辛酉土人避亂其上千餘家名天成砦此

並可蒙此稱此三齊略云堯田在廣固城西十里堯巡
爲其支峯無疑

狩所登遂以爲名山頂有祠自指益都境內之堯山而言不關此山也

倉山

堯山東北五里大小雙峯中斷孤聳魏書地形志北海郡劇有倉山卽此蓋山之陰皆昌樂境而劇故城卽在昌樂縣治西十里也

崆峒山

凡山西南八里俗名寶石山以山東南峯半有石高聳二丈餘周廣十餘丈其形如寶也又有探海石在山之北高數仞圍十丈兩石相承上廣於下中若刀截痕微

光緒間縣志卷三 山水

五

斜危然欲墜四周壁立無能陟其上者有水名阿泉出山陰深澗中細流涓涓大旱不竭澗長數里極蜿蜒繚曲之狀

墨斗山

凡山西十里土石俱黑狀如墨斗山南出二水東曰車溝西曰墨洲卽桃花水之源皆西南流入巨洋山半有池方廣丈餘水色清澄不溢不竭土人呼爲墨池案府志云凡山盤基甚廣今志乘所稱凡山不過縣東北數里內古凡山之西麓耳史記封禪書云黃帝封東泰山禪凡山合符然後不死焉如今日之所謂凡山者何足

以當之觀齊乘諸說則靈山方山堯山皆凡山也卽魏志之倉山亦不容離析而廣其目昌樂志亦云縣西南隅之山皆發脈於臨朐之凡山據此則縣東北境之山皆可以凡山統之餘非其支麓卽其擁脈之山舊志各立主名不相繫屬似稍淆其實矣

自凡山折而西南委蛇起伏五十里屹立者爲牛山

在縣治東南二十里四望如鉅屏屹立七賢水出其西北麓合水出其東北麓魏書地形志盤陽有鉅平山卽此土人呼曰牛山邑東方無高山此山於眾邱垤中巍然特異勢非崇峻而體自廣大然校之東泰山則猶然

光緒間縣志卷三 山水

六

培塿耳以側盤陽故魏志注表之昌國餘臚云屹立萬

山中羣小峯尾尾如子環帶如衛實爲一邑之鎮正可

與東泰大峴並詞夸而失實矣邑人李廷樞登巨平山之蔚茂泉石之幽潔豁望之深廣梵宮琳宇之佳麗及煙雲幻變氣象萬千之勝概然旁無附麗數里外小邱微垤勢若子男意造物者位置於斯俾之獨全其尊也而茲山顧平夷蘊藉亦不以嶮崎險怪與諸山角似有

道者懷能抱德含蓄而不露也數語善爲此山寫照故附載之

其東南爲寶瓶山

去牛山三里盤陽店之西少北山形如瓶故名小阜耳南丹水之所經般水桃花水於此入焉其東十里爲紅山卽紅砂嶺又名分水嶺嶺西之水皆西流入巨洋嶺